

TERKINI UTAMA & SENSASI



By **AK-47** · 16/08/2022 · 0 · 23

Kem Cerdik Cukai yang mula diperkenalkan oleh Lembaga Hasil Dalam Negeri Malaysia (LHDNM) pada tahun 2011 terbukti berjaya meningkatkan kesedaran dalam

Ikuti Mynewshub: Telegram

kalangan belia berusia 40 tahun ke bawah untuk membayar cukai.

Sebagai contoh, pada tahun 2017 sekitar 3.615 juta pembayar cukai individu yang dikategorikan sebagai belia telah menjalankan tanggungjawab untuk mendaftar sebagai pembayar cukai pendapatan.

Angka itu menunjukkan peningkatan ketara iaitu hampir 30,00 pembayar cukai baharu dalam kalangan belia berbanding tahun 2016 sekitar 3.585 juta dan 2015 sekitar 3.553 juta.

Kem Cerdik Cukai merupakan suatu program pendedahan awal mengenai cukai oleh LHDNM kepada generasi muda termasuk dalam kalangan pelajar sekolah tentang kepentingan cukai dalam usaha membangunkan negara.

Melalui program berkenaan, generasi muda juga dididik tentang tanggungjawab membayar cukai sebagai suatu yang bersifat patriotik dan cinta terhadap tanah air.

Generasi pewaris negara perlu difahamkan tentang kepentingan cukai bagi memastikan pembangunan negara dapat diteruskan sekali gus menyokong usaha Malaysia menjadi sebuah negara maju berpendapatan tinggi.

Justeru, inisiatif LHDNM mengadakan program Kem Cerdik Cukai wajar diberi pujian dan seharusnya disokong oleh semua pihak termasuk ibu bapa, guru dan pihak sekolah demi masa depan negara yang gemilang.

Seperti peribahasa melentur buluh biarlah dari rebunginya, maka mendidik anak bangsa tentang tanggungjawab kepada negara perlulah ketika mereka masih berusia muda.

Seperti sering diperkatakan Pembayar Cukai Wira Negara kerana merelakan kerajaan mengambil peratusan kecil daripada pendapatan mereka demi masa depan negara.

Hasil cukai diperoleh kerajaan daripada cukai dikenakan itu yang digunakan untuk mentadbir dan menguruskan negara dalam bentuk bajet tahunan.

Mentadbir dan menguruskan aspek keselamatan, kesihatan, pendidikan, pembangunan dan segala-galanya yang diperlukan untuk kemakmuran Malaysia.

Tanpa hasil cukai sesebuah negara tidak mempunyai kewangan mencukupi untuk menjamin keselamatan, kesihatan, pendidikan mahupun pembangunannya.

Perbelanjaan untuk sekolah, hospital, klinik kesihatan, jalan raya, balai polis, balai bomba dan segala-galanya adalah hasil daripada cukai.

Sumber cukai juga digunakan untuk membantu hidup rakyat melalui bantuan subsidi ke atas barangan keperluan seperti minyak dan bahan makanan asas.

Pembangunan yang dilaksanakan menggunakan hasil cukai pula dapat menawarkan peluang pekerjaan kepada rakyat sekaligus memacu pertumbuhan ekonomi.

Hasil cukai juga membolehkan kerajaan memodenkan lagi negara kita sekaligus menggalakkan pelaburan asing yang sangat penting untuk sesebuah negara.

-Mynewshub